

Date – 05/09/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Social Welfare Minister Pi Lalrinpuii'n Mizoram puma ruang phurh chu tun thla ni 1 atang khan sawrkarin mawh ah a la tawh a ti.
2. Taxation Minister Dr Vanlalhlana'n Mizoramah GST pe lo leh pe dik lo an tam tih sawiin Kristian taka tha taka chhiah pe thin turin Mizo mipuite a ngen tih a sawi.
3. Wawiin Zirtirtute Ni pualin President Draupadi Murmu-i chuan ramchhunga zirtirtu 82 te hnenah National Teachers Award 2024 a hlan dawn.
4. Sawrkar laipui chuan Centralized Pension Payment System hman a remti.



ECEASED BODY TRANSPORTATION

Social Welfare Minister Pi Lalrinpuii'n Mizoram puma ruang phurh chu tun thla ni 1 atang khan sawrkarin mawh ah a la tawh a ti.

He thu hi nimina thuthar thehdarhtute a pisaa a kawmna ah sawiin Minister chuan ruang phurh nan budget ah cheng nuai 500 dah a ni a ti a, ruang phurhna atan sawrkar hnuai motor inziak lut zinga empanel te chu hman theih an ni dawn tih sawiin ruang phurh man chu sawrkarah dil let theih ani dawn a ni a ti.

Minister chuan ruang phurh tanna leh a dahna inkar chu km 20 tal ani tur ani a ti a, ruang phurhna atan lirthei pakhat chauh hman tur ani tih sawiin Department in a kenkawh dan an siam sa vek a ti a, ruang phurhna man hi department ah emaw district chhunga District Social Welfare hnenah thehluh theih ani dawn a, an motor hman man chu sawrkar in rate a siam angin a rul let dawn a ni a ti.

Minister chuan damdawiina thi anih loh chuan dilna form-a inziak angin thuneitu hriatpuina thil tel tur ani dawn tih a sawi bawk a, a dan chuan motor hman man ngawr ngawr chauh a huam dawn tih a sawi.

Pi Lalrinpuii sawi danin ruang phurh man sawrkar in mawh a a lakna chhan chu MLA te phurrit lutuk chhawkna tur leh mi tam zawk huapzo tura hmalakna a ni a ti a, voter ID emaw Aadhaar card nei te tan dil theih ani tih sawiin a hranpa in raltlan an huap tel lo tih a sawi bawk.



CYMA

Central YMA hruaitute leh NHIDCL hotuten nimin khan Mizoram chhunga NHIDCL hnuai kawngpui laih mek leh harsatna te an sawiho a,

Inkawmna ah hian Mizoram hmun hrang hranga inkalpawhna kawng NHIDCL enkawl siamthat chungchang te leh hmun hrang hranga kawngpui laih mek te sawiin NHIDCL Executive Director Virender Jakhar chuan Spoil- Bank ni lo a leivung paih awm te chu enfiah a hmalak zui a tum thu sawiin Lunglei leh Tlabung inkar kawngpui chu Kumin December ah chuan zawh deuh vek a nih tawh tur thu a sawi a. Saitual - Saichal inkar kawng leh hmun dangah pawh thehtawp an chhuah tih a sawi bawk.

Central YMA hruaitute chuan Mizoram in kawngpui tha a neihna tura hnathawh kal mek chu tluang taka a kal zel theih nan Contractor puih an inhuam thu an sawi a, dan ang thlapa hnathawh a nih theihna tur leh tlo ngei tura hnathawh a, leivung chu a paihna tur ngeiah paih a nih zel theihnan NHIDCL hotuten Contractor te hnathawh enpui zel turin an chah a ni.



NEDFI

School Education Department leh North-eastern Education Development Finance Corporation Ltd. (NEDFi) te chuan thawhdunna thuthlung an ziak a, zirlaite kalzelna tur kawhhmuhna tur, he thawhdunna thuthlung 'Advancing North East Initiative for Career Mentoring of Students' hnuai ziah a ni.

Thawhdunna thuthlung hi Directorate of School Education Conference Hall, Aizawlah ziah a ni a, School Education Minister, Dr. Vanlalhlana a hmanpui.

Minister chuan, Department leh NEDFi-te thawhdunna chu Mizoram zirna atana rahbi pawimawh tak a nih thu sawiin, thawhhona chuan Mizorama zirlaite tan hma hun eng zawk a thlen bakah, thalaite tan beiseina thar a thlen ngei a rin thu a tarlang a. Hei bakah hian thawhdunna a lo hlawhtlin leh zual theih nan official-te chu theihtawp chhuah zui turin a ngen nghal a ni.

He Thawhdunna Thuthlung hnuai hian, Mizoram a zirlai, Higher Secondary School chinte chuan, an zir zel dan tur chungchanga kaihhraina an dawng thei dawn a. Advancing North-east Portal kal tlangin hriattur pawimawhte chu en theih a ni ang a. School tin atangin zirtirtu ruat bikte kal tlangin zirlaite kaihhraina chu kalpui tum a ni.

(DIPR)



TAXATION MINISTER - GST

Taxation Minister Dr Vanlalhlana'n Mizoramah GST pe lo leh pe dik lo an tam tih sawiin Kristian taka tha taka chhiah pe thin turin Mizo mipuite a ngen tih a sawi.

He thu hi tuialhthei man sang chungchanga thuthar lakhawmtute a kawmna ah sawiin Minister chuan mipuite tanruat puiah sawmin GST lak chungchangah thil diklo ti an awm chuan department ah hriattir zel turin a ngen a ti a, Midang enkawl departmental work atangin chhiah, goods & services tax (GST) lak tan anih thu a sawi a, kum 2019-a Mizoram sawrkarin composition scheme a siam angin GST hi lak ani dawn tih a sawi.

Dr Vanlalhlana chuan sawrkarin GST leh professional tax ah huang a zauh mek thu sawiin Estimate a awm tawh reng si, chhiah pek loh ang chi kha sawrkar lak luh dan an ngaihtuah a ti a, departmental work hnuai mi dangin hna an enkawl sak atangin GST lak ani tawh dawn a, GST chu cheng nuai 10-50 inkarah zaa 6 lak ani dawn a, cheng nuai 50 chung lamah zaa 18 lak ani dawn tih sawiin department in an thawk anih chuan GST lak ani dawnlo a ti.

Thla liam ta August ni 21-a Mizoram Legislative Assembly thutkhawmah The Mizoram Goods and Services Tax (Amendment) Bill, 2024 hi passed a ni a, Minister hian hemi chungchang a sawina ah Input Service Distributor siamthat a ni tih sawiin thil siamchhuaktuten an thil siamchhuahna khawl an register loh emawa hremna awm thei tarlan a ni a ti a, Input Tax Credit a awm thar dawn tih sawiin hei hian state danga office nei ten hmun danga GST anlo pekin Mizoram lamah an an pek tlem theihna tur ngaihtuah sak anni dawn tih a sawi.



PROTEST ON OIL PRICE HIKE

Congress Party thalaite'n Petrol leh Desiel man tih to leh chhiah dang sorkar-in a tihsan duhlohna nimin khan an lantir a, PC Party pawhin tuialhthei man sang hi tha antih loh thu an sawi.

Aizawla Mizofed Petrol Pump, Vanapa Hall bulah chhiah tihsan duh lohna lantira an neih hnuai thuhchhuah an siamah Mizoram Pradesh Youth Congress Committee chuan chhiah tisang lo tura intiamte'n hetianganga sanga chhiah an pung hi mipui hmuhsitna leh bumna liau liau a ni an ti a, hmarchhak state zingah Mizoram chu oil man sanna ber state a nih thu an tarlang bawka a ni.

MPCC Treasurer Dr Lalmawlsawma Nghaka chuan, Mi harsa zawkte tan zalenna, Danglamna, 'kalphung thar' tiamtute'n Mizoram mipuite chhiah uchuak tak hmangin salbeh an tum mek a ni, a ti a, property registration Fee an ti sang tawh a, tunah Petrol leh Diesel chhiah an ti sang leh bawka tih sawiin, Mizoram mipuite an rûm mek laiin, chief minister chu tuipuiralah mipuite auh phak lohin a awm ta daih mai chu a mak hle a ni, a ti bawka.

Hetihlai hian PC Party chuan tuialhthei man sang chu Mipuite phurrit chhawk zangkhaina lam ni lo in Mipuite sum bawm rawk zawnga Mizoram sawrkar hmalakna ani an ti a, a rang thei ang bera sût a nih theih nana hma la turin Taxation deptt.hotute hnenah an ngen tih an sawi bawka.



MSCW CHAIRPERSON

Women & Child Development Minister Pi Lalrinpui'n Mizoram State Commission for Women Chairperson Pi Lalchhandamin Birth Certificate sawrkara a thehluh ah a kumzat in dan a pel lo a ti.

He thu hi nimina thuthar lakhawmtute a kawmna ah sawiin Pi Lalrinpuii chuan MSCW Chairperson Pi Lalchhandami chu kum 1960-a piang ani a ti a, a certificate thehluh chu pawmsak anih avangin tuna a hna chelh chu a thawk thei niin an ngai a ti a, mi tam tak chu Birth Certificate diktak leh sawrkar kum inmil lo fo an awm thin avangin zirchian mek ani a ti bawk.

Pi Lalrinpuii sawi danin Pi Lalchhandami chu mi rintlak tak niin an duhsak bik vang nilo in Chairperson tur an zawna ah Pi Lalchhandami chu tha bera an hriat avanga ruat anni tih a sawi a ni.

MSCW member 7 zingah 3 te chu dan dik taka lak anni lo a, hnathawk tura ruat nilo in rawt an ni tih sawiin tunah erawh dan dik takin member 7 an ruat ta a ni a ti a, hetah hian Aizawl District chauh ni tawhlo in Lunglei, Champhai leh Siaha ami te pawh an tel tih sawiin ram pum huap ngaihtuaha ti an ni tih a sawi.

Hetihlai hian MNF Legal Board chuan nimin khan thuthar thehdarhtute an kawmna ah MSCW Act 2004 hnuaiia Dan siamah Chairperson atan kum 65 pel tawh chu ruat theih a nih loh thu chiang taka a inziah thu sawiin; Sorkar document hrang hrang leh Kohhran record-ah Pi Lalchhandami chuan Chairperson atana ruat a nih hian kum 68-na a hmang mek tawh tih chiang takin a lang a ni an ti a,

MSU pawhin April ni 8 khan MSCW Chairperson sawrkarin a ruat chu RTI kaltlanga chhanna an neih atanga lan danin March ni 31, 2016 ah a pension tawh an ti ve bawk a ni.

<><><>

CHHATISGARH

Vawiin Zirtirtute Ni pualin President Draupadi Murmu-i chuan ramchhunga zirtirtu 82 te hnenah National Teachers Award 2024 a hlan dawn. Union Education Ministry thuchhuah tarlan danin National Teachers' Award hi kumtinin sem thin a ni a, zirtirtu thawk tha leh chawimawi tlakte hnenah hlan thin a ni a. Sikul zirna ti hmasawn tu an nih mai bakah zirlai naupangte nun siam tha tu an nih avanga chawimawina hi hlan an ni.

Award hin chawimawina thuziak leh pawisa fai cheng sing nga a keng tel a ni.

(Newsonair)

<><><>

PENSION

Sawrkar laipui chuan Centralized Pension Payment System hman a remti. He kalphung thar hmang hian Employees' Pension Scheme hnuai pensioner ten ramchhung eng bank atang pawhin pension an la thei tawh dawn a. He kalphung thar hi kum 2025 January ni 1 atanga hman tan tur a ni a. Employees' Provident Fund Organisation (EPFO) hnuai pensioner nuai 78 ten a hlawkna an tel dawn a. Union Labour and Employment Minister Dr. Mansukh Mandaviya chuan Centralized Pension Payment System thar hman a ni tur chu thil chhinchhiahtlak tak anih thu a sawi a ni.

(Newsonair)

<><><>

PM

Prime Minister Narendra Modia chuan vawiin hian Singapore Prime Minister Lawrence Wong nen ram pahnih inkar sawidunin an inkawm dawn. Prime Minister Modia hian nimin chawhnu khan Singapore a thleng a. Singapore Minister of Home Affairs and Law K Shanmugam chuan a lo hmuak a. A thlenna hotel ah Singapore-a India mi chengten an lo hmu bawk a ni. Singapore Prime Minister chuan nizan khan zanriah a buatsaih sak ang a. Vawiina Prime Minister nen an inkawm hnu hian President bakah mi pawimawh tak takte a kawm dawn bawk a ni.

(Newsonair)

<><><>